

**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus I. De impedimento criminis ex adulterio.

[urn:nbn:de:hbz:466:1-73058](#)

QUÆSTIO VII.

In Titulum VII. De eo, qui duxit in Matrimonium, quam polluit per adulterium.

Hoc titulo exponemus impedimentum, quod nascitur ex criminis non solum adulterii, de quo tantum agit præsens titulus; sed etiam conjugicidii; seu machinacionis mortis in proprium, vel alienum conagem, animo incundi matrimonium cum superstite.

ARTICULUS I.

De impedimento criminis ex adulterio.

Supponendum i. crimen adulterii præsumit nullum præstare adulteris impedimentum dirimens matrimonium subsequens inter adulteros, legitime soluto vinculo prioris matrimonii, quo stante copula eorum carnalis erat adulterina. Nam adulterium ex se præcise, nec jure naturali, nec divino, sed solum Ecclesiastico adulteris præstat impedimentum (etiam deinceps, cum liberi fuerint) dirimens matrimonium subsequens; secus, nisi conjugatur cum promissione matrimonii, vel machinatione mortis, ut patebit ex sequentibus.

§. UNICUS.

De impedimento ex Adulterio.

Supponendum, adulterium posse considerari, secundum se, & scorsim à data simul fide matrimonii cum altero, aut machinatione in mortem alterius conjugis; vel ut conjunctum cum alterutro eorum; hoc §. agemus tantum de adulterio, ut conjuncto cum promissione, vel data fide matrimonii, post mortem alterius conjugis; & quia adulterium præcise, & secundum se non præstat impedimentum dirimens subsecutum adulterorum matrimonium, ut constabit ex n. 98 i. Quæstio præsens est, si conjugatur cum data fide matrimonii. Qua in re Concilium Triburicense sic loquitur, ut habetur C. Relatum. 31. q. 1. Relatum est auribus sanctorum fæcordotum, quendam alterius uxori stupro violasse, & insuper merhe, vivente viro suo, juramentum dedisse, ut post legitti mariti mortem, si supervixis-

set, duceret uxorem: quod & factum est. Tale ergo connubium prohibemus, & anathematizamus. Idem habetur c. Nullus i. c. Illud. 2. c. Hac ratione 9. ead. causa & questione.

De hac ipsa questione, an liceat alicui cum ea contrahere matrimonium, quam uxore sua vivente sibi de fæto matrimonio copulavit? Episcopo Baranensi (ut habetur c. super hoc 3. h. t.) rescripsit Alexander III. in hac verba: *quod si adulteria est in mortem uxoris aliquid machinata, sive fidem dedit, sive non, quod ea defuncta hanc esset ducturus: secundum Canones ab ejus consortio prohibetur, & hec prohibitus perpetuo est servanda.*

Quamvis autem hic textus loquatur de 977. casu, quo conjugatus uxore sua vivente aliquam sibi copulavit, & resolvat ad incursum impedimentum criminis ex adulterio, cum machinatione in mortem alterius conjugis (etio fidem non dederit ei, quod primâ defunctâ secundam ducturus esset) quia tamen vivente primâ, secundam sibi copulavit, hoc est, matrimonii fidem dedit de præsenti cum adulterio, merito separandis erat; cum ex hoc etiam titulo, seu crimen invalidè contraxerit cum secunda, etiam post mortem primæ.

Et Clemens III. in c. Ex litterarum 4ⁱ eod. de viro, qui vivente uxore, etiam legitime ab eo separatâ quoad thorum, secundam conscientiam, duxit uxorem, ac ex hac liberos suscepit, ita statuit: *quod Episcopus illos debeat ab invicem separare.* Idem vero vir indicata ei de adulterio penitentia, aliam ducere poterit in uxoren, intellige, postquam prima ex hac vita defecit, ut habetur in integra lectione. Idem dicitur in c. *Cum haberet 5. eod.*

Specialiter autem notandum est, quod 978. habetur c. significasti. 6. eod. Ibi enim ad easum, quo proponebatur, Cajum quandam mulierem Mæviam duxisse legitime in uxorem, & eam relictâ cuidam meretrici adhæsisce; cum autem ab ejus constitutio ad thorum non possit legitimam revocari, in cum excommunicationis sententiam esse latam. Verum, cum Ca-

jus pro verâ uxore mortuâ diçtam meretricem sibi desponfasset, dubitatum fuit, *an eam validè in uxorem acciperet?* reſcriptum Innocentius III. quod, *nisi alter eorum in mortem uxoris defuncta fuerit machinatus, vel ea vivente sibi fidem dederit de matrimonio contrahendo,* legitimū judices matrimonium ſupradictum, excommunicato múnus abſolutionis (ſi petierit) juxta formam Ecclesiæ impen-dant. Ex hiſ juribus habetur quod adulteriū adulteriā, etiam in caſu, poſquam ambo ſoluti ſunt à priori matrimonio legitimo, ſi conjugati fuerunt, non poſſit validè in uxorem accipere, ſi vivente vero conjuge commiſſum inter illos, ut ponitur, ſit adulteriū, & data fides matrimonii, vel de præſenti, vel de futuro; etiamfi non intervenierit machinatio in morte alterius conjugi; conſequenter tale adulteriū adulteriſ ſtare impedimentum dirimēns matrimonium intet eos contrahendum. Pro hujs majori confirmatione, notandum i. ad hoc, ut dicto impedimentum locus ſit in dato caſu, plura requiri. Primo, quod adulteriū fuerit *formale*; hoc eſt quod complex delicti, ſciverit, alterum actu eſte vinculo matrimonii ligatum.

979. Conſtat hoc i. ex c. *Propoſitum* i. b. t. ubi Alexander III. Abbati S. Albani, quæ-tenti, an conjugatus qui aliam, hujusmo-die rei (*quod alter conjugatus eſſet*) inſcia ſibi copulavit; primā mortuā, valeat diſcedere a ſecundā? respondit: licet in ca-tionibus habeatur, ut nullus copulet ſibi matrimonio, quam prius polluterat adulterio, & illam maximē, cui fidem dederat uxore ſiā vivente, vel quæ machinata eſt in morteni uxoris: quia tamē prefata mulier erat inſcia, *quod ille aliam haberet uxorem viventem*, nec dignum eſt, ut prædictus vir, qui ſcienter contra Canones venerat, lucrum de ſuo dolo reportet, conſultationi tuæ taliter respondit, quod *nisi mulier diuortium petat, ad petitionem viri non ſunt aliquatenus separandi*.

980. Ex hoc textu clare deducitur, quod adulteriū *formale* requiratur; aliás enim in favorem deceptæ non imposuitſet Ponitifex pœnam viro, quod, *nisi mulier diuortium petat, ad petitionem viri non ſint aliquatenus separandi*; ſecūs ad petitionem mulieris. Nam, ſi adulteriū fuiffet *formale*, hoc eſt, ſi & ipſa mulier

conſcia fuiffet, quod ille aliam haberet uxorem viventem, nec ipſa digna fore, ut ad ejus petitionem diuortium fieret; ſic enim etiam ipſa, non minus, ac prædictus vir, ſcienter contra Canones veniſet. Et ideo ex hoc textu ulterius deducit Barbosa in cit. c. *Propoſitum*, n. 2. & apud eum Sylvester V. *Matrimonium*, q. 9. diſt. 4. Sanchez. l. 7. Matr. d. 79. n. 31. *ignoranter rem habentem cum uxora, poſſe poſt obitum coniugis, cum ea matrimonium contrahere.* Quia ſic copula, qua interceſſit, ex parte ignorantis alterius conjugiū, non fuit formaliter, ſeu imputabiliter, adulterium, ſed simpliciter fornicatio, id, quod etiam tenet Henriquez in *Summa* l. 12. t. 14. n. 3. intelligi nifi interceſſerit machinatio mortis.

Confirmari hoc totum potest ex c. *Vt-981
nies. 7. b. t.* Nam Innocentius III. pro-poſitum quæſtione, an uxoratus, vivente uxore ſiā, contrahens cum ſecundā inſcia, quod ipſe conjugatus eſſet, mortuā primā poſſit ſecundam in uxorem habere: respondit: *licet vivente uxore legitima prediclam ſibi copulare nequierit in uxorem*, quia tamē uxore defunctā, utpoſt lege ipſius ſolutus in eandem de novo poſtū matrimonialiter conſentire, dummodo non præſiterit fidem adultere, vel machinatus euerit in mortem uxoris: mandamus, quatenus ſi eſt ita, eidem ut ſupradictæ affectu adhucrat conjugali, li-centiam concedatis. Ex hoc textu ſequi-tur, quod ſolū adulteriū non dirimat ſubsequens matrimonium adulteri cum adulteria, niſi vivente uxore fidem ei de-derit de contrahendo, vel adulteriū in mor-tem mulieris machinatus euerit, ut loqui-tur Glosſa. in cit. c. *Veniens*, in ipſo caſu & patet ex ipſo textu.

Si autem exinde inferas: ergo per ſen-
ſum contrarium in vi hujs textus non va-
luifet matrimonium adulteri cum adul-
teria, ſi adulteria (quantumvis inſcia, *quod ipſe conjugatus eſſet*) vel dediſſet fidem de-
contrahendo, vel alteruter machinatus fuiffet in mortem mulieris; prob. illatum; nam textus loquitur de adulteria, quæ ne-
ſciebat virum actu conjugatum eſſe; &
dum approbat matrimonium adulteri, &
adulteria, approbationē reſtrīgit, ſi ni-
hil eorum, que dicta ſunt, intervenit;
ergo ſi quid eorum intervenit, nempe vel
fidem

fides data, vel machinatio, non approbat, sed reprobatur corum matrimonium, non obstante, quod adultera fuerit infia, ipsum esse conjugatum.

¶. Quod Pontifex in cit. c. *Veniens* non approbat matrimonium adulteri cum adultera, prius *contratum* vivente primâ uxore; sed matrimonium *contrahendum*, si neutrum eorum, nempe, nec data fides, nec machinatio mortis intervenit; ex hoc autem non recte inferri; ergo si alterutrum intervenit, etiam si adulterium non fuisset formale, matrimonium inter adulteros etiam noviter contrahendum reprobavit. Nam ut constat ex claro iure, nec fides data, nec machinatio mortis, quæ procedit ab uno tantum, etiam altero ignorantie, sine adulterio liberè admissio, inducit hoc impedimentum; sed adulterium liberè admissum dici non potest, ubi et ignorantia de conjugio complicis; ergo. Unde Glossa in cit. c. *Veniens*, *V. insiam*, ait, si hoc fuit verum (nempe quod mulier nesciverit), Virum, cum quo pecavist, esse conjugatum) legitime poterit remanere cum illo; quod etiam habetur in. 1. h. t. de quo supra.

¶. Præter hæc not. 1. eti P. Sanchez D. 79. d. n. 32. doceat, ad hoc impedimentum sufficere, quod ante notitiam conjugii data sit fides matrimonii, si post notitiam conjugii sequatur adulterium: tamen cum hæc dispositio juris, sit penalis, & odiosa, valde probabile videri, opus est, & fidem matrimonii dari, & adulterium sequi debere post notitiam conjugii; quia pena supponit culpam in utroque actu non qualcumque, sed eam, quæ præjudiciosa sit conjugi non tantum violando fidem thori, sed etiam alliciendo spe promissi matrimonii cum adultera, ut conjunx innocens periclitetur; ut autem quis in dato casu dicatur non habuisse notitiam de circumstantia conjugij, censet Sanchez n. 38. sufficere ignorantiam crassam, & supinam; licet Barbosa cit. n. 3. dicat, hoc esse contra communem, quæ requirit ignorantiam saltem probabilem, ut faciat Caffropal. cit. n. 8. Verum esto ignorantia crassa sit, adhuc tamen in re occultat circumstantiam actualis conjugij, consequenter facit ne, cognita sit; adeo que quin adulterium sit *formale*, sine

Tom. IV.

quo non stat hoc impedimentum ex solo adulterio, & data matrimonij fide.

Not. 2. ad incurendum hoc impe- 984. dimentum requiri, quod adulterium commissum sit in effectu, seu in re, non autem in affectu tantum, ad hoc autem necessarium est. 1. ut interveniat copula perfecta, de qua n. 460. & constat ex c. fin. h. t. ibi: non obfuit conatus, &c. deinde, quod conjugum ejus conjugis, ratione cuius emergit adulterium, fuerit verum & validum; sumus enim in materia penal, & odiosa. Ex quo colliges, quod adulterium, tantum existimatum, interveniente promissione matrimonii, non dirimatur nuptias cum adultera; quia sic non intervenit adulterium in re; cum hoc esse non possit, ubi nullus ex peccantibus habet verum conjugium.

Not. 3. hoc impedimentum esse perpetuum, adeoque per illud dirimi matrimonium adulteri cum adultera, etiam mortuo altero conjugi, quo vivente adulterium commissum est, & matrimonii fides data adultero; habetur c. cum haberet. h. t. ibi: eis perpetua continentia indicatur. item c. super eo eadem. ibi: & hec prohibitio perpetuæ est servanda: denique c. si quis vivente. 31. q. 1. ut dicemus infra. Cum autem dixerimus ad contrahendum hoc impedimentum requiri adulterium coniunctum cum matrimonio vel contracto defacto, vel fide data de contrahendo, dubitatur, an sufficiat matrimonium *contratum clandestinè*, consequenter ob clandestinitatem invalidum?

¶. cum finis hujus dispositionis sit cave 986. re matrimonii attentationem, ne detur occasio, seu votum captandi homicidium seu quarrendi mortem alterius conjugis, & hoc non caveatur, si dispositio locum non haberet in casu matrimonii invalidè contracti, probabiliter aliquos censere, sufficere quodlibet matrimonium attentatum, licet clandestinum, ita Sanchez. l. 7. d. 79. n. 8. Cùm autem Caspar Hurtado d. 23. diffic. 2. censeat, requiri matrimonium, quod alias foret validum, nisi alter coniunctus viveret; adeoque non sufficiat matrimonium eo titulo invalidum, quod sit contractum *clandestinè* (cum simus in materia penali, quæ strictè accipienda est) hæc sententia videtur omnino probabilis;

L 2

cuius

cujus ratio sumitur ulterius ex dict. an. 383. quia sic in re nullum intercessit adulterium.

987. Not. 4. ad incurrendum hoc impedimentum ex adulterio, datâ simul fide matrimonii, requiri, quod promissio matrimonii ab uno facta, ab altero sit acceptata. Nam alias non est *promissio*, sed *pollicitatio*; & fides data intelligi debet *cum effectu*, scilicet *cum promissarii acceptatione*; sic Barb. in c. fin. h. t. n. 2. in modis acceptancem debere esse expressam, nec sufficiere taciturnitatem tenet Sanch. l. 7. d. 79. n. 22. præsertim cum alter etiam inhabilitas reddatur, & subjiciatur penitus Ecclesiastica, ut recte nota Castropol. de spons. d. 4. p. 12. n. 10. secundum quem etiam probabile est, *promissionem debere esse mutuam*, quia agimus de *matrimoniali* promissione; sic sentit Gl. ad c. significasti, de eo, qui auxit, & plures alii apud Castropalaum cit. p. 12. n. 12. qui tamen contrarium judicat probabilitus. Verum jura intelligenda sunt in hoc casu eodem modo, quo alias fieri solet *desponsatio*; hæc autem explicat *promissionem reciprocam*; sic Layman l. 5. Theol. moral. p. 4. c. 10. n. 4.

988. His addit Vincentius de Justis. l. 2. de dispensat. matrim. c. 16. n. 32. probabilitus est, in hoc casu, impedimentum contrahi, si uno promittente alter non contradicit; quia cum adulteri se mutuo ament, censentur matrimonium, tanquam rem sibi favorabilem expetere; in favorabilibus autem, qui tacer censentire videtur; sed in plurimis adulteris fallit, qui communiter solum querunt usum alieni corporis, non matrimonii vinculum insolubile cum tali persona.

989. Not. 5. Requiri etiam, ut adulterium & promissio fiat *vivente conjuge illius*, qui est complex adulterij. Unde non sufficit, utrum fieri in uno, vel durante uno, & alterum alio conjugio, sed utrumque fieri debet durante eodem conjugio; ita Sanchez cit. n. 5. & Barb. in cit. c. fin. n. 3. Nam hoc impedimentum, & inde nascens inhabilitas penalitatis neutrum seorsim ab altero afficit, nec matrimonium, seclusa fide datâ, & conjugidio; nec fidem datam, vel conjugidum tantum unius voluntate liberâ commissum sine adulterio; nec utrumque, nisi quantum conjugi innocentij injuriosum est. Hinc qui Berthæ conjugatae actu dedidit fidem matrimonii

post mortem sui conjugis, & post hujus obitum primò, non autem priùs, adulterium cum ea commississet, ex hoc præcisè non incurrit, hoc impedimentum. Cùm enim ambo puniantur, nec id ob solum adulterium, vel solum matrimonij promissionem, ut dictum est, utrumque fieri debet durante alterius conjugio; ita Sanchez l. 7. h. c. d. 79. à n. 2.

Not. 6. Dubitari etiam, an requiratur, quod promissio sit *vera*, scilicet animo le obligandi? R. affirmativam esse omnino probabilem; alias enim non est *promissio*, sed *fictio promissionis*: sic fide solum proférrens hereticum, non incurrit excommunicationem latam in hereticos; ita tenet Henriquez l. 12. c. 14. n. 3. & alii; id, quod limitant alii, nisi exteriorè appareat fictio: tunc enim aquæ periculum est captandi occasionem occidendi alterum conjugem (quod tamen caveret vult ista iuri dispensatio) quam si esset vera; ita Sanchez d. 79. n. 10. Verum ex identitate rationis in penalibus non valet extensio, ut saepe dictum est in præcedentibus; at hæc limitatio procedit ex identitate rationis, nempe à promissione vera ad fictam extendo penam, & quidem valde gravem; ergo.

Not. 7. quæri posse, an sufficiat *pro missio solum conditionata*? affirmativam tenet Sanchez l. 7. d. 79. n. 11. quia est vera promissio obligans ad exspectandum conditionis eventum, & præbens ansam conjugi captandi mortem. Verum *promissio conditionata*, pendente conditione, non est *promissio simpliciter*, de qua lex loquitur, quæ penalis est; nec eam capienda mortis ansam præberet, quam promissio pura & absoluta; & ideo probabilitus est, eam non sufficere, nisi condicione eveniat ante mortem conjugis; ita Layman *supradict. c. 10.* & alii; quia facit conjugij spem solum dubiam, & sic nec sponsalia conditionata producunt impedimentum publicæ honestatis pendente conditione, licet pariant obligationem exspectandi eventum conditionis juxta dicta à n. 196. Ex hoc sequitur, Titum validè, ac licite, sine ulteriori dispensatione inire matrimonium cum Caja, licet ei matrimonii fidem dederit sub conditione, & adulterium cum ea commiserit, si ante conditionis eventum, Caja viro naturali morte sublatu, Titus & Caja (non curantes

curantes conditionis eventum, aut ejus immemores) matrimonium per verba de presenti contrahant. Sic enim ante matrimonij contractum nondum incurreunt hoc impedimentum; excipe, nisi conditio esset talis, qua haberetur pro non adjecta; nec conditio prius facta remissa censeris potest, quam matrimonio contracto.

392. Not. 8. requiri, quod fides data, & adulterium contigerit durante uno, & eodem conjugio. Nam utrumque punitur, quatenus *conjuncta* prestans votum machinandi mortem conjugi alterius adulterii; at hoc non contingit, nisi ambo frant durante eodem conjugio; ita Cöinch. bie d. 31. a. n. 52. Layman *Theol. moral.* l. 5. p. 4. c. 10. n. 4. & alii. Unde sequitur, quod Titus valide licetque ducat Bertam, licet ei vivente sua uxore fidem matrimonio dederit, & uxore mortua, ductaque Caja cum Berta committeret adulterium, quia fides data & adulterium non contigit eodem matrimonio durante; immo fides Berta data per matrimonium cum Caja ipso facto fuit revocata; & respectu vel uxoris Titii, vel mariti Berta cessat periculum de voto mortis ex impulsu datæ fidei adulteræ adultero conjunctæ.

393. Not. 9. require etiam, quod durante conjugio facta promissio non sit *concordia-liter revocata* prius, quam adulterium sequatur. Cum enim adulterium non puniatur hoc impedimentum superinducendo; nisi quatenus conjugatum datae fidei prebet occasionem machinandi mortem alterius conjugi, eo ipso non inducitur hoc impedimentum, nisi, dum committitur adulterium, sit etiam fides data, vel sequatur, neutro prius retractato; ita Vincen-tius de Justis. l. 2. de *dispens. matrim.* c. 16. n. 29. Quod enim nec physice, nec moraliter, seu habituali perseverantia existit, cum subsequente alio conjungi non potest. Unde, si post fidem datam, & non retractata, secutum sit adulterium durante eodem matrimonio, jam est contractum impedimentum; nec tollitur quantumvis facta penitentia sceleris committi; hoc enim non tollit legem Ecclesiae, imponentem hoc impedimentum adulteris, datâ semel fide, ubi ambo semel coextiterunt, non retractata; sic Bohacina de *Matr.* q. 3. p. 6. propos. 3. n. 13.

Not. præterea 10. hoc impedimentum 994. ab infidelibus non incurri. 1. si tempore infidelitatis adulterentur, & sibi fidem dent futuri matrimonii; quia non subsunt legibus Ecclesiae, à quibus unicè hoc impedimentum suos fatales repetit, ut constat ex dictis. Et ideo, si post hoc contrarerunt matrimonium, etiam baptismo suscepto, validè, ac licite sine dispensatione iti illo remanere possunt. Secundo licet adulterium commissum sit antea, & fides data primò post susceptum baptismum, vel econtra. Nam ad hoc impedimentum incurrendum, cum sit odiosum, ac penale, ut propè omnes autores loquuntur, requirit utrumque factum in statu, quo subduntur legibus Ecclesiae: secus, si saltē unus, dum esset fidelis, foret in utroque reus; ut colligitur ex L. *Laudabilem 1. de convers. infidel.* Sic Gonzalez in c. si quis. 8. de eo qui duxit n. 4. qui n. 6. proponit hanc questionem, an adulterium tantum, absque fidei interpositione de futuro matrimonio, vel machinatione in necem viri, commissum impedit matrimonium? Et postquam dixit, quod Doctores in præsenti affirment, adulterium tantum absque aliis circumstan-tiis non impedit contrahendum matrimoniū, aut dirimere jam contractum inter ipsos adulteros: & ita textum in c. i. b. t. in illis verbis, *máxime si*, &c. expo-nunt tantum, si machinatio secura sit; statim subjungit: hanc sententiam expresse convinci ex t. i. 31. q. 1. c. 2. ead. q. ubi legendum esse, fieri non posse connubium; jam notarunt Aht. Aug. ibi, Cuiac. in præsenti.

Quare ea sententia omisā verius credo 995. inquit, tam jure civili, quam veteri Pon-tificio, ex solo adulterio impedimentum hoc provenire. Opinionem suam sic probat; Quia de jure civili expresse constat ex L. *Claudius ff. de his, que ut indig.* nam licet lege Juliæ de adulteriis tantum prohibitum esset damnata mulieri nubere damnato ex eodem delicto cum ipsa commisso, quamvis non esset prohibitum matrimoniū inter eos, si cum postulati fuissent, condemnatio sequuta non fuit L. quæstiam 40. ff. ad L. *Jul. de adult.* ubi Cuiac. l. 19. resp. Papin. tamen Papinianus magno ingenio, quo polluit, idem respon-dit, eti viro condemnato mulier absoluta

efset, cùm præcessisset adulterium; & ita licet lege aliquâ, aut senatus consulto speciali eo casu matrimonium non improbaretur, attamen quia bonis moribus adversabatur, illud injustum judicavit, quia in matrimonii non tantum, quod licet. sed quod honestum est, attenditur *semper in conjunctionibus, ff. de reg. jur. l. adop-*

tivus 14. & serviles, ff. de adopt. quod

etiam primi Ecclesie Legislatores admis-

erunt, ita ut ex solo adulterio impedimen-

tum hoc oriretur, c. i. & 2. 31. q. 1. sic ille.

Sed his non obstantibus dicendum est contrarium, ne videlicet ob solum adulterium hujusmodi connubium dissolvatur, sed tum demum, si alterutrum concurrat ex his duobus casibus, puta si in mortem prioris conjugis alteruter fuerit machinat⁹, vel præmature, cùm adhuc viveat, de contrahendo post ejus mortem conjugio præstata fuerit fides, ut habetur in c. i. §. lícet autem, & c. significasti 6. cum sequenti in fine h. r. cap. tanta est vñ, in fine, infra, qui filii sint legitimi; c. relatum, cum sequenti eadem 31. q. 1. Et liquet ex juribus à nobis allatis supra. Quod autem adducitur ex jure civili, locum non habet; cùm ipsum impedimenta matrimonii statuere non valeat. Veteribus autem ca-

nonibus ex c. nullus 1. & c. denique. 31.

q. 1. opponimus novos, de quibus supra;

hi enim ad hoc impedimentum criminis

incurrendum, quando statutum adulterio,

præter istud, exigunt vel fidem matrimo-

nii datum, vel mortis machinationem fal-

tem in uno.

ARTICULUS II.

De impedimento criminis ex Con-

jugicidio.

Conjugicidium fieri potest vel à proprio 996. conjugi conjugem suum occidente, vel ab alio, vel ab utroq; & hoc vel sine, vel cum adulterio præcedente. Unde quæstio est: an ad inducendum hoc impedimentum sufficiat solum crimen conjugicidii, etiam ab uno patratum, ut deinde superflue cum complice criminis matrimonium (seclusâ dispensatione) nec licet, nec validè contrahere possit? Quia in re 32. quod conjugicidium non dirimat matrimonium occisoris cum conjugi superstitis, nisi in duabus casibus. 1. Si homicidium factum sit ab utroque simul, nimis à viro, & muliere,

cuius maritus occisus est; 2. Nisi præcessit adulterium inter eos, qui post mortem occisi inire matrimonium volunt, si tantum unus eorum conjugicidium patravit. Ex quo colliges in hoc secundo casu ad incurandum impedimentum non sufficere, vel solum adulterium, vel solum occasio nem sui, vel alieni conjugis, sed requiri utrumque simul.

Ratio primi casus est ex c. *Landabile, de conversione infidelium*, cuius hic tenor⁹⁹⁷ est: interrogasti de Sarracenis, qui, dum in captivitate essent, quarundam Christianarum viros, earum infidis, & machinationibus occiderunt, utrum, quia posita per ipsas ad fidem Christianam converti sunt, eas de jure possint accipere in uxore: vel si duxerint, coniugium teneat cornudem? Quo posito respondit Pontifex: *hic Triburienensis Concilii regula contenti sumus, afferentis, quod in mortem, ipsorum malitiosè fuerint machinate, (licet eorum studio ad fidem accesserint) nec tamen eis adharere debent; nec sunt, si adheserint, etiam tolerandi; cùm tale damnum tali lucro Ecclesia compensare non velit.* Ad hoc Sarraceni quidam, in bello sunt Christianos interfecisse notati, & Christiani similiter Sarracenos: posita vero sarraceni ad fidem conversi, uxores eorum, quos in bello certamine occiderunt, sibi matrimonialiter copularunt, & id ipsum Christiani de Sarracenis mulieribus, conversis ad fidem fecisse noscuntur, qua possimur de priorum virorum morte comprehendere veritatem, divortium constanter exposcunt: in his igitur respondemus, quod, cùm tales non procuraverint virorum interitum defunctorum, matrimonium inter haec modi personas licet potest contrahiri, & taliter copulati divortium nequent postulare. Sic Clemens III. ubi videt, nullâ mentione adulterii facta, Sarracenis, qui ex mandato, & consilio uxorum, maritos earum interfecerunt, cum illis uxori bus matrimonium interdicí.

Ratio secundi ex c. *si quis vivente 31. q. 1. c. 5. ibi*: Si quis vivente marito conjugem illius adulterasse accusatur, & eo in proximo defuncto, eandem summissa dignoscitur, omnimodis publica penitentia subjiciatur, de quo etiam post penitentiam prefatam, si expedierit, servabitur regula: *nisi forte vir, aut mulier virum, qui*